

Anpao Kin.

THE DAYBREAK.

"Wankantanhan Anpao kin hiyounhipi."—Luke 1. 78

VOL. XVII

FOREST CITY, SO. DAK., DEC., 1900.

NO. 1

ANPAO KIN.

REV. E. ASHLEY
REV. W. J. CLEVELAND } Editors

Anpao wotatin wowapi kin wi iyohina, wivawapi anpetu tokahewa eca wowapi tokxu kin ogra yewicakiciyapi ece.

Wi akenom (one year) on kaxpapi yam-i kaxpapi kin.

Wi xakpe kin kaxpapi wanji sam okise, icupi xni itokab kaxpapi kin.

Wowapi askabyapi maxaxana wanji qax nonpa owapi kin, mazaska eekiya ANPAO KIN opeton okilipi kin.

Inwa wowapi kagin kte ca wowapi ska sau el owa kin.

Opetonpi kta wowapi hiyukiyapi qax ad taku owakapi kta cimpi na hiyukiyapi ca, wowapi juha akand deed owapi kta.

REV. E. ASHLEY.

CHEYENNE RIVER AGENCY, S. D.

Yawaxteya Cajeyatapi Wowapi Wan.

ANPAO KIN icikowa hiyapi qa wicoran waxte eon iyounpaxtakapi kta wookibi yuha. Okodakiciye-wakan opapi tka abehewa tipi kin, hena iyotan taokiye waxte heca kta. Bixop wann kin eciya-tanhan, raku ecamon onxpaxpa oyakapi qa tiku hiyotapi kta. Wotatin hana owasin, qa Tipiwakan iyaza omawan woyakapi kin hena, qa nakun Okodakiciye-wakan kin wotatin tawa tokokeca ed kazapi kta. Oyate unkitawapi kin owasin ANPAO KIN icupi qa sam, wicaxa tikeca wicagupi nin ecanmi.

W. H. HARE,
Yewicaxipi Bixop

Convocation ekta Wicasa na Koskalaka Omnicijepi mazaska kicunpi kin.

Cheyenne Agency, Emmanuel Lakota Wicasa Wakan on.....	3.94
Lower Brule, Messiah, Bishop tokel cin un kta.....	8.50
Pine Ridge, St. Peter's, Bishop tokel cin un kta.....	4.00
Pine Ridge, St. Philip's, Lakota Wicasa Wakan on.....	1.00
Pine Ridge, St. Philip's, Yewicasipi on.....	1.00
Pine Ridge, St. Mary's, Tipi Wakan on.....	13.00
Pine Ridge, St. Mary's, Cankaga tipi wakan on.....	15.00
Pine Ridge, Messiah, Tipi wakan iunpi kte cin on.....	2.55
Pine Ridge, St. Julia's, Lakota Wicasa wakan on.....	2.00
Pine Ridge, St. Julia's, St. Mary's kin on.....	1.00
B. C. U. Lakota Wicasa wakan kin on.....	43.25
Corn Creek, Inestimable Gift, Lakota Wicasa wakan kin on.....	5.00
Corn Creek, Trinity, Lakota Wicasa wakan kin on.....	2.50
Sisseton, St. John Baptist, Lakota Wicasa wakan kin on.....	4.75
Standing Rock, St. Thomas', Lakota Wicasa wakan kin on.....	2.00
Standing Rock, St. Thomas', Bishop tokel cin kin un kta.....	2.00
Standing Rock, St. Luke's, Lakota Wicasa wakan kin on.....	3.10
Standing Rock, St. John Baptist, Anpao kin on.....	2.00
Standing Rock, St. John Baptist, Lakota Wicasa wakan kin on.....	3.00
Standing Rock, St. John Baptist Lakota Wicasa wakan kin on.....	5.00
Standing Rock, St. Elizabeth's, Lakota Wicasa wakan kin on.....	25.00

Standing Rock, St. Elizabeth's, Junior Aux. Wicasa wakan kin on, 4.00
St. Andrew's Provincial Chapter, Wicasa wakan kin on, 18.00
Ataya - - - - - \$170.59

BISHOP HARE TIPI WAKAN IYAZA OMANI

Hekta Nov. 10 he ehan Bishop Chamberlain, S. D. el hi, na Nov. 11 hihanna kin el Wakan cekiye kin el, Glešni Wayawapi kin etan šiceca, Wikoška qa Koška koya wicotapi, qa Wašicun qa Wašicun winyan koya wicota Wakan cekiye hipi wikcemna topa sanpa šaglogan Wotapi wakan icupi. Hehan iyopteya ya Chapel of Our Saviour ekta litayetu Wakan cekiya. Ihihanna Nov. 12 kin el Wotapi Wakan econpi. He iyohakab hokšila nom Wicayusutapi econpi. Hehan iyopteya Thunder Creek el makohewoskan ya. Ihihinna Nov. 13 kin he ehan Chapel of Advent, Rosebud el Wakan cekiye qa el šaglogan Wicayusutapi econpi. Hetanhan iyopteya ya qa Calvary Chapel el i. Hel okšantanhan ahi qa iyuškinyan wakan cekiya.

Ihihanna Nov. 14 kin iyopteya Government School qa St. Mary's iyokogna Tipi Wakan he cin el i. St. Mary's etanhan Wicincala wayawapi kin oyasin cekiya hipi kin Government School etanhan wakanheja, wikoška qa koškalaka ko opawinge nom sam iyeya cekiya hipi. Ataya okšantanhan hipi koya opawinge tom sam iyeya ahi. Lila wicotapi lakaš Tipi wakan kin lila tanka eša ataya ošinziapi. Milahanska iyapi qa Lakota iya-pi icicahiya lowanpi ataya škanškanpi seca. Miš miye nakun maškansan hehantu e taku wanji weksuya. Eya tohan Wanikiya wašte unkitawapi kin he Jerusalem ektakiya ye con he qa wicota tokata yapi qa tona ihakab upi kin howayapi qa heyapi "Dawid Cinhintku woohiye yuha nunwe, tuwe Itancan caje on u kin ya waštepi nunwe, malpiya ekta woohiye yuha nunwe. Unkan Jerusalem el hi qonhan otonwe kin ataya škanškanpi qa heyapi, De tuwe he". Matt. 21:9. Ho de weksuya qa ho nacancanyan nawajin. Ho iyohakab wicasa qa winyan koya topa Wicayusutapi econpi. He iyohakab litayetu hehan Dakota iyapi ognayan wacckiyapi. Ihihanna Rosebud makoce opta Tipi wakan iyaza

iyaya, qa he iyopteya Pine Ridge makoce opta Tipi wakan iyaza iyaya qa he iyopteya Black Hills ektakiya iyayin kta. Bishop Hare le taku ecin na on lecel iyotiyekiya, osni qa ošiceca qa tate oiyokišica eša omani hwo. Mitakolapi le awacin piye na on sanpa Wanikiya wašte unkitawapi kin Okolakiciye Wakan Tawa kin telilapiye.

Daniel S. H. Elk.

Wakankiciyuzapi.

McBride-Chapman. Monday, Nov. 19, 1900, Chapel of the Holy Name okna, Andrew McBride qa Nancy W. Chapman Okiciyuzapi wakan kin oknayan Wakantanka ed iciconzapi. Wikan kin he Choteau Creek, S. D. etanhan, qa winyan kin he Santee Agency, Neb. etanhan.

Wicaxa.

Choteaux Creek, S. D. hekta July 30, 1900, anpetu kin ed John Tanagina te, waniyetu 79. Nina wicalica eša wocekiye qa wocekiye qa wakiconzapi kin hena bdihedya hecin awacin ksa-bya on eced iknuhanyena woozi-icije ed iyaya. De te cin on cunwintku Louisa Bates woyušinyaye kin on kuya ihpaye, qa anpetu yamni qa hanhepi yamni takuna sdonye šni wanke qa te. Dena iknuhanna deced iyayapi, qa woiyokišica eša iye wowacin-ye ed wakta unpi kin on etanhan ake woonspe wan on waktaunyanpi.

Ake Oct. 10, 1900, James O-manisa te. J. G.

Flandreau, S. D. Nov. 5, 1900. Anpao:-

Dehan taku wanji unyaki-cidaotaninpi uncinpi. Dehan St. Mary's Church, Wakpaipakšan ed Winyan Omnicije kin piya ihdahigapi; Fanny Henry, Itancan; Sarah St. Cloud, Itancan okihe; Agnes Jones, Wowapi kaga; Josephine Westman, Mazaska Awanyaka; Elizabeth West qa Bertha Westman henaos Wamnanapi. Dena wi akenom hehanyan wicohan econpi kta wicayustanpi.

Agnes Jones,
Wowapi kaga.

Dr. Charles Eastman tonwel Oglala ekta pejuta-wicasa un na itahenna Carlisle, Pa. ekta un qon he na tawicu kici wana Crow Creek Agency ekta abiyotankapi. Tunkanšilayapi ihukuya Kanğı-okute ekta wayazankapi kte cin hena piwicakiyin kta ca on hi. Mrs. Eastman tanšna un qon

ehanl Lakota egna wicohan wašte kuwa un na hankeya wayawa waawanyaka heca na oyanké oyasin iyaza omani sa canke Lakota oyasin he slolyapi na tanyan cantekiyuzapi naceca un-kecinpi. Na Dr. Eastman he Lakota canke taoyate kin el wicagli na wicegna wicohan tanka na wacinyepica wašicun toonspe na toahope kin ogra kuwa škan kte cin he tuweke ceyas iyokipi kta iyeececa.

Tunkanšilayapi ti kin etanhan atewicayapi kin owasin lecala wowapi wicagupi yunkan Ikceoyatepi oyasin hena na tiyošpaye tonakiya yankapi kin otohiyohi tokel oyate nainš tiyošpaye kinhan caje owicawapi kinhan el oowa hin kta iyeececa kin wowa-sukiye wicagupi. Wanji NAV-AJO owicakiciwapi qon he letanhan tokatakiya ohinni NAVAHO owicakiciwapi kta. MOQUI eyapi qon he ihan wicacaje keyapi canke heekiya ohinni HOPI owicakiciwapi kta: he cajepi hee cin ee. HOOPA owapi sa qon hena he wanne ayustanpi na HUPA hecel ece kagapi kta. Hecekel oyate na tiyošpaye oyasin cajepi kin owotanlayan kagapi kta onspewicakiyapi na econwicasi-pi. Hehan nakun, tuweni icinonpa OGALALLA owa šni wašte. OGLALA he owotanla kin ee.

Oglala ekta wana ateyapi tokeca yuhapi. Mr. Brennan eciya-pi, na Rapid City, S. D. (Miniluzahan otonwe) hetanhan. Hekta waniyetu wikcemna nonpa Hesapa ekta hi yunkan hehan-tanhan heciya un. Waniyetu ota Rapid City ekta owote-tipi tanka wan yuha canke Lakota ota wanyakapi na iye waniyetu ota Lakota wicikiyela ti canke tanyan slolwicayin kta iyeececa.

Wicahanhan wicokuja wanji smallpox eciyapi kin he lila oki-kepe. Hewicacecapi kte šni on etanhan itokab isto el wicawagopi na wicokuja kin he ianaptapi pejuta wanji we el iyolpeyapi kin he wašte. Vaccination eciyapi hee. Hecawicakiconpi kin hani anpetu tona isto lila yazanpi na tehan isto lianpi eyaš wašte. Icin isto el hecel cisciye-la lianwicayapi kin eciyatanhan wicahanhan telike kin he waniyetu ota kuja okihipi kte šni wicakagapi.

Cannonball (Inyan-kagapi) N. D. etanhan Oct. 19 oyakapi yunkan Anpetu Wakan wanjila icunhan Lakota Tunkanšilayapi talo tkeyutapi 1,500,000 wiyopekiyapi keyapi. Tkeyutapi wanji yunkan mazašla topa hecel wiyopeyapi. Ptebleška kin lila wašte ececepi nahan hetanhan Lakota kin mazaska \$70,000.00 henukeca wakamnap.

THE DAYBREAK.

REV. E. ASHLEY
REV. W. J. CLEVELAND } Editors

THE DAYBREAK is published monthly in the interest of the Protestant Episcopal Church among the Sioux Indians of South Dakota.

The subscription is 30 cents per annum in advance and may be paid in one or two cent postage stamps.

Single subscriptions for six months, 15 cents.

All subscriptions and matter for publication should be addressed to

REV. E. ASHLEY,
Cheyenne River Agency, S. D.

Letter of Commendation.

The tendency of THE DAYBREAK is to provoke to good works and to bind us together. It will be a special help to the scattered members of the Church. Besides other Church news, it will contain my official notices and accounts of my official acts and visitations. I hope our people will take it and circulate it.

W. H. HARE,
Missionary Bishop

Entered at the Postoffice at Forest City, South Dakota, as second class matter.

Published at the office of the FOREST CITY PRESS, Forest City, S. D.

OKOLAKICIYE-WAKAN WIYAWAPI KIN

DECEMBER WĪ KIN.

2. Advent el Anpetu Wakan tokaheya.....To stan
9. Advent el Anpetu Wakan inonpa.....To stan
16. Advent el Anpetu Wakan iyamni.....To stan
19. Ember Anpetu
21. St. Thomas Wahošiyē kin Taanpetu.....Ska (Nakun Ember anpetu.)
22. Ember anpetu
23. Advent el Anpetu Wakan itopa.....To stan
25. Christmas Anpetu.....Ska
26. St. Stephen, Martyr.....Ska
27. St. John Wotanin wašte owa kin.....Ska
28. Iyaonpepica šni kin Taanpetupi.....To stan
30. Christmas iyohakab Anpetu Wakan kin.....Ska

Wotanin wašte Ayapi On, Wocekiye.

Anpetu iyohi wicokaya he cin ehan heyapi kta:

Wanikiya wašte isto wacantkiya nitawa kdngad; canicipawega akan otkeyahan yaun tka qon, maka akan wicaša un kin owasin Niye ekta etonwanpi qa niwicayapi nunwe. Amen.

Okolakiciye Wakan Wiwicawangapi kin

SATAN.

W. Ogligle šicapi kin wicošan tawapi kin he taku he. Job. 1:11; 1 Sam. 14:14; 23; Wayu. 2:10; Wayu. Wico. 14, 16.

A. Owotanla unpi iyutanwicayapi nahan šicapi kin kakiswicayapi kin hena ee.

W. Ogligle šicapi kin tuwa itancanyapi he.

A. Wakan šica tokaunyanpi kin he. 1 Inyan 5:8.

W. Wowapi wakan el nakun tokel cajeyatapi he.

A. Satan, Wabluška kin, Wawiyutanye cin, Beelzebub, na tuwa šice cin.

W. Hebrew iapi na Hellenes iapi kin el tokel eciyapi he.

A. Hebrew iapi kin eciyatanhan Abaddon eciyapi, na Hellenes iapi kin eciyatanhan Apoluon eciyapi.

W. Wanikiya unkitawapi, tokel Wakan šica cajeyata he.

A. Otokahe etanhan tin wicakte heca keya.

W. Tuwa tokaheya Wakan šica iyutanwicaya he.

A. Hunkakewicunyanpi tokaheya Adam na Eve.

W. Satan tokel Dawid iyutanhan he. 1 Anpetu Oyak. 21:1, 14

A. Dawid Israel oyate wicayawa kta iyopaštaka, na eciyatanhan oyate kin wokakije na wiconte iyaglewicaye.

A. Anpetu wikcemna tob hewoskan el Satan tuwa iyutanyan he.

A. Itancan Jesus hee, na yamnikiya wowiyutanyan telihe on atakpe.

W. Judas Iskariot taku econ kta ca Satan iyutanyan he.

A. Itancan tawa mazaska wikcemna yamni on wiopeyin kta iyutanyan.

W. Annanias na Sapphira tokel iyutanwicaya he.

A. Hena Woniya Wakan el owewakakanpi kta econwicakiya.

W. Tuktel Satan, ounye yuha h q.

A. He Wayuotanin wowapi kin el "makohdoka ceteta wanice etanhan ogligle" eciyapi, "tuwa peta na inyanzi ble el iyohipeyapi" qon hel ounye.

W. Satan na tona opapi kin owihanke wanin taku tawapi kte cin Christ unkokiyakapi he. St. Matt. 25:41.

A. "Peta owihanke wanica o kta, Wakan šica na taokiyewipaye cin koya on kagapi qon" he tawapi kta.

Wowapi Wakan yawapi Wawokiya.

WOWAHOKICIYE TECA KIN

Wanna Wowapi Wakan tanila kin, na he na Teca kin iyokogna woyakapi kin, he unkohunipi, hecel wanna Wowapi Wakan Teca kin he owecinhan unkaupi kta. Itokab unkowapi kin he tanyan lawapi na wowapi kin, hena kpatanyan yagnakapi hecinhan, le iyecel ecanonpi kta wašte.

Wowahokiciye Teca etan wowapi kin hena tani okiyušte kin iyecel egnagpica; hecel Wotanin wašte owa topa kin, he Pentatuk (wowapi zaptan) isakib yanka, ecin hena Wotakuye teca icage cin on oyakapi.

Yewicašipi ohanyanpi wowapi kin he, woyaka wowapi kin hena isakibtu, na iyotan Joshua, na Wayasupi wowapi kin hena.

Hehan wowapi wikcemna nonpa sanpa wanji kagapi kin, hena Wokcanpi wowapi isakib yanka

pi, na Wayuotanin wowapi kin he Ezekeiel na Daniel tawowapi kin ihanke kin iyececa se.

Wowahokiciye Teca wowapi kin lecel kiyuštapi:

I. Woyaka wowapi—

1. (a) Wotanin wašte okage topa, nom Wahošiyē Wakan nonpa ogwapi, na nom Wahošiyē Wakan kolawicaye cin nonpa owicakiwapi.

(b) Wahošiyē Wakan ohanyanpi kin; na le wotanin wašte owapi na woonspe wowapi kin icikoyake cin he.

II. Woospe Wowapi—

(1.) Palos tawa kin.

(a) Woonspe wowapi Okolakiciye wakan, Roma, Korinth, Galatia, Ephesos, Philippi, Kolosse, Thessalonika na Hebrew oyate wicakicagapi kin.

(b) Woawanyake kin on: Timotheus na Titus wicakicagapi;

(c) Tokeca: Philemon iye iyatayela kicagapi.

(2) Okolakiciye owancaya on kagapi kin:

(a) St. James (Jakob) wanji la kaga.

(b) St. Peter nonpa kaga.

(c) St. John yamni kaga.

(d) St. Jude wanji la kaga.

III. Wokcanpi kin: St. John Wayuotanin kin he.

Winyan, Omniciye Wowapi Wicakicagapi
Crow Creek, S. D.
Nov. 15, 1900

Mitakuyepi:—

Advent wanna ikiyen an unyanpi. He Christian omaka a otokahe kin hee. Ito, Winyan Wawokiyapi onqonpi kin nakaha omaka teca u kin icunhan, tohanyan hekta econkonpi qon sam iyeya tanyan unskanpi kta. Bishop kin Winyan Wawokiya unkitawapi on iwin kta. Convocation ekta unyawaste pi, tanyan unskanpi keya. Tka ikapeya tanyan econkonpi kta iyounpaštakapi. Iye toie kiksuye unqonpi kta iyececa, hecen ake Convocation econpi kinhan omaka kin he en iyotan tanyan unskanpi keye kta. De unkohihipi he? Han, unkohihipi ye. Token econkonpi kinhan? Winyan otoiyo hi token okihi škini ciye kinhan he oknayan unkohihipi. Otoiyo hi token oyakihipi mniciyapi owasin en yaipi kta. Anpetu wakan oko iyohi winyan omniciye kin on taku wowaši ecanonpi kta e ayakitapi kta. Mniciyapi kin en qaiš tiyata ya unpi kin ekta.

Winyan omniciye en oitancanpi; tanyan econpi kin wanjikji miš sdonwicawaya. Ohinniyan mniciyapi en hi pi qa en yankapi icunhan nina škini ciyapi, waka gegepi qaiš wakšupi, qa nakun tuktektan tiyata taku kagegepi ece. Dena tanyan econpi qa to na opapi kin owasinna he oknayan is eya škanpi kta iyececa,

Tohinni Dakota wicaša wakan wanji taku eya e iyomakipi. Winyan kin wahokonwicakiya unkan decen eya. "Owasinna itancan ni cidapi kta qa ohinniyan, mniciyapi en yahipi, qa otoiyo hi initancanpi se iyecen wowaši ecanonpi kta ce."

Winyan omniciye kin taku on kagapi unkišuyapi kta. Unkiyepi iyatayenan waunkicicamnapi kta on kagapi šni. Tka Okolakiciye Wakan kin waunkicicamnapi kta he on. Unkan tohan Okolakiciye wakan kin on wowaši econkonpi eca Christ Iye waeca unkišonpi ece. De woiwange kin onspeupkišiciyapi qa aawauncinpi kta, qa nakun unkohianpi on un kayuptapi kta. He dee: "Jehowa, taku ota maqu kin, taku on weci ciyapi kta he?" Psalm 116: 12. Tona winyan omniciye en hi pi kin owasinna Wowapi Wakan cekde kin de onspei ciyapi kta wacin. Qa nakun wanji: "Taku ecanonpi kin, owasin nicante pi kin eciyatanhan econ po. Itancan kin on etanhan, qa wicay kin on el qhan xni Kol. 3: 23. Wowapi Wakan oekde wicoye kin denios wowapi cistinna en owawa qa omniciye oadetka otoiyo hi iyawewicaweciye kta. Winyan otoiyo hi wanji yuha kta wacin. Ukan ceciciyapi. Wowapi cistinna kin dena canopiye sicuta oyaknakapi kte šni. Ya ti hen tukten tanin, yan eyaknakapi kta, tukten ijehan wandakapi kta oyakihipi kin hen.

Wicoye kin dena wowapi conan onspeni ciyapi qa hecen hena nitawacinpi qa nicante pi en oyaknakapi kta. Nakun mniciyapi eca hena akta ehapi wašte, hekta Wowapi Wakan wicoye ciyapi qon en econcišipi qon he iyecen.

Niyepi otoiyo hi nape ciyuzapi.
Nitakuye,
Mrs. Burt.

Niobrara Deanery Convocation kin.

Ascension Chapel,
Cheyenne Agency, S. D.,
Sept. 21, 1900.

Anpetu wan Bishop kalinige qon oknayan, de anpetu kin Ascension Chapel ica da Iyohanzi kagapi kin en Convocation omniciye econpi. Omniciye kin tokaheya wakan cekiyapi kin on yulidokapi, qa wicaša wakan kin denakeca en unpi. Bishop kin hee, qa Rev. Messrs. Ashley, Burt, Cleveland, Cook, Deloria, Goodteacher, Holmes, Lambert, Philips, Renville, Ross, Saul, Tatiyopa, Tuttle, Wahoyapi, Walker, qa Welsh, henakecapi. Wopow wikcemna on, wocekiye qon Rev. Wm. J. Cleveland yawa, qa St. Matthew Wahošiyē kin Taanpetu kin, on wowapi kin Rev. Amos Ross yawa, qa Wotanin wašte kin Rev. Luke C. Walker yawa. Bishop kin iyeheca St. Matthew on wowahokonkiye econ, qa Itancan itayetu wotapi tawa kin yuwakan, qa Rev. Messrs. Cleveland, Walker, Ross,

qa Deloria hena okiyapi. Ataya opawinge yamni sam zaptan Wotapi wakan kin icupi.

Friday, Sep. 21; 2:30pm.

Nom sam hanke ape qonhan Bishop omniciye kin yulidoke, qa tokaheya wicacaje kin yawapi, unkan wicaša wakan kin akeša-kowin, qa Catechist kin akešakpe, qa Helpers kin wikcemna yamni sam yamni, qa kañini opapi kin opawinge sam wikcemna tob sam napcinwang henakeca, ayuptpapi. Hehan Itancan yanke cin he wicacaje hena abdezapi qa tuweli yušanpi se hinkde cinhan iwanyakapi kta e on Rev. Philip J. Deloria, Mr. William F. Wizi, qa Mr. Alfred C. Smith hena yamni Committee wicakage.

Hehan Oitancan kin hena wicakalnigapi qa Rev. Philip J. Deloria he Convocation kin en (Dean) Bishop okiheya un kta e yušanpi qa Rev. William Holmes Convocation en wowapi kage kta yušanpi, qa Rev. A. B. Clark Convocation Tamazaska awanyake kta yušanpi qa Rev. Joseph W. Cook, Dakota Wicaša Wakan tamazaska awanyake kta yušanpi.

Hehan Itancan yanke cin woyušan tawa wanji kdaotanin qa he dee, detanhan tokatakiya Catechist qa Helpers hena (License) woiyowinkiyeye wowapi tona wicacuppi qon hena Convocation econpi eca icunhan ihanke kta keya.

Hehan Mr. Ben Brave tuwa Lower Brule etanhan hi qon he wokdake qa decana wiyohinyanpata omani qa tukten oyanke wan en wokdaka unkan tuwa wan hiyu qa mazaska wanji qu qa heya keya. Tiyata yaki kinhan mazaska kin de wicohan waste kin etkiya on wawokiya wo, eya keya qa he Bishop ahiqu, qa is iyoopta Bishop mazaska kin de Dakota Wicaša Wakan tawomnaye kin en eknake.

Hehan wanna hitayetu ca enaunkiyapi kte ca eyapi qa okna yušanpi- qa iyokiheya hitawackiyapi qon he econpi.

Saturday, Sep. 22; 9am.

Convocation kin de anpetu kin en Wicayusutapi econpi kta e on owacekiye econpi, qa wica qa winyan koya wikcemna yamni sam yamni Bishop itokab canpeška makekde hiyotankapi, qa "Nape akan ewicaknakapi kin," he icupi qa Wakantanka itokam qa omniciye yankapi kin wicitokam, he kta iyepi wakanhejapi qonhan eajepi ecena on Waayatanin yukeya woiçiconze wakanyan ewicakiciyapi qa mini awicakašanpi qon nakeš wanna iyecinka kduegetupi qa kdusutapi kta keyapi qa waayatanin wicakiyapi qon hena takuku econpi kta keyapi qon hena eeca wanna wicadayay econpi kta e ikdusutapi.

Owacekiye kin de ihunniyanpi kin iyokiheya omniciye eyotanke qa Bishop kin tokata omaka kin opta tona Standing Committee

unpi kta cin hena wicayušan qa dena eepi. Rev. John H. Babcock, Rev. W. H. Sparling, Mr. R. W. Folds qa Mr. Geo. W. Lewis, hena eepi. Qa Rev. E. Ashley he Rural Dean un kta keya.

Hehan (Examining Chaplains) tona wicaša wakan wicakagapi kte cin itokam wawiwangapi kin hena Rev. Joseph W. Cook, Rev. E. Ashley, Rev. John H. Babcock, qa Rev. Robert Doherty, D. D., henakecapi.

Hehan Bishop kin okodakiciye wakan etanhan Kde šni Owayawa tob unkdepi qon hena on wokdake qa hena owayawa kin en Tunkanšina eciyatanhan watohanhanyan okiyapi qon wanna yuaokpaniyan ikikecupi kta keya heon wakanheja tona hen unpi qon hena hunakepi kin onkna woyute iyakicuya okinipi ehantanhanš owaon-spekiye qon etkiya ongel on wawokiye wicaši.

Hehan Bishop kin winyan omniciye kin ektakiya iyaye qa Rev. Dean Deloria Itancan iyotanke. Hehan Moses Wanbli- gleska Holiwoju etanhan he wokdake qa taku ke cin he Wakan- kiciyuzapi eša iyohakam yujujupi qon he nina oiyokišica ecee tka iyotan isam woyuha tawapi kte qon he token owotannašniyan yuhewicakiyapi qa patan iyewicayapi qon he oiyokišice daka keya.

Hehan Rev. E. Ashley he wacajeyate, qa Rev. Luke C. Walker okiye- qa heye Omniciye kin den opeya Rev. Thomas Ashley, Inyan Wakagapi oyanke North Dakota etanhan kin he wanbdake qa makun toktokecapi nom ob un hena Convocation kin den unkici- pi yankapi kta o woiyowinkiyeye wicunqupi kte do- eya qa okna Itancan kin iwicawange qa okna yušanpi.

Hehan Rev. Joseph W. Cook he Dakota wicaša wakan tamazaska awanyake cin hekta omaka kin icunhan mazaska tona icu kin qa tona yusote cin hena okdake, qa he Itancan kin iwanyakapi kta on Committee yamni wicakage qa dena eepi. Rev. Luke C. Walker, Mr. Samuel Bordeaux, qa Mr. George A. Redowl hena eepi.

Hehan Rev. Joseph Goodteacher wanna wicokaya hiyaye cin on enaunkiyapi kte eye qa okiyapi qa okna yušanpi.

Saturday, Sep. 22; 2:30pm.

Convocation nom sam hanke ape qonhan Bishop yulidoke, qa wowapi kage cin wicacaje yawa qa hekta wocon qon hena yawa- pi kte šni yušanpi.

Hehan Convocation tamazaska awanyake cin he Rev. A. B. Clark ee tka en un šni hecen, tawowapi kin he Rev. Wm. J. Cleveland kiciyawa, qa Itancan yanke cin, iwanyakapi kta on wicaša yamni Committee wicakage. Rev. Wm. J. Cleveland, Mr. Robert White, qa Mr. Joseph Joseph Four Bears hena eepi.

Hehan Rev. Wm. J. Cleveland wacajeyate qa he miye owakiye qa okna yušanpi, he decetu.

Convocation tamazaska awanyake cin hetanhan Bishop mazaska šakowin sam okise icu kta e woiyowinkiyeye unqupi kta. Qa Convocation tawoecon ehantanhan owa hiyeye cin qa omniciye toktokeca qa wowapi oyubdaye togtonana qaiš wowapi šoka eša tona South Dakota iyowaja qon hena token tanyan hiyeye kta iyecenya akna yanke kta e on mazaska kin hena on kañiwakiye kta.

Hehan Rev. E. Ashley he Anpao kage cin he okdaka qa mazaska tohanyan kipiya inyanka ecee kin hena iyokawinyeli okdaka.

Hehan miye decen wacajebdate qa he Rev. Joseph W. Cook omakiye qa okna yušanpi.

Convocation unyanapi kin ataya Anpao kagapi kin cante eciyatanhan wopida ewicunkiyapi kta. Qa nakun Dakota kin owasin opetonpi kta qa hecen tipi iyohiya hiyeye kta.

Qa nakun Anpao kagapi kin wicohan waste econ yuke cin de heceknana tokatakiya ake kdoyapi kta.

Hehan Rev. Luke C. Walker Committee Itancan qon wokdake qa heye. Dakota wicaša wakan tamazaska awanyaka tawowapi qon he Committee yamni unya-

kalnigapi qon he wanna iwanunyakapi qa owasin hecetu qa owotanna e iyeunyanpe do eye.

Hehan Rev. Luke C. Walker wacajeyate qa he Rev. E. Ashley okiye qa okna yušanpi- he decetu.

Convocation kin de wonašon oiyokišice wanji naunlionpi unkan Holiwoju yewicapi oyanke kin de en wicaša wan Matthew Charger (Waanatan) eciyapi kin he te qon hee he ohniyan Christian wicaka qa wacinyepica ikdu- tanin ecee- heon decen unkeyapi kta. Ito womnaye wanji econ- qonpi kta qa tukten hapi kin en Inyanska wanji eunkicikdepi kta, qa nakun tipi wakan wan okna woohoda eye s'a qon en Wokiksuyewanji eunkicikdepi kta.

Hehan Rev. E. Ashley he Waanatan tawomnaye kte cin he mazaska kin awanyake kta yu- štanpi.

Qa womnaye kin he on wicaša napcinwang katokaheciya mazaska ahiknakapi, dena eepi- John Lamont \$1.00, William Tahé \$1.00, Simon Shooting Bear .90, Daniel Pehansanmani .85, Moses Wiyakawanjila .50, William French Wizi .50, Daniel Holi- pimaza .50, Louis Dorian .25, Battiste Mayahan .15.

Hehan Rev. William J. Cleveland Committee Itancan kin wokdake qa heye, Convocation tamazaska awanyaka tawowapi qon he iwanunyakapi kta on Committee yamni unyakalnigapi qon he

wanna iwanunyakapi qa owasin hecetu qa owotanna iyeunyanpe do eye.

Hehan wanna hitayetu e ito eyaš enaunkiyapi kte do eyapi qa okna yušanpi qa hitawacekiyapi kin he econpi qa enakiyapi.

Sunday, Sep. 23; 9am.

De hinhanha kin Convocation wakan cekiya, qa Rev. Luke C. Walker woope wikcemna on wocekiye kin yawa qa Rev. Philip J. Deloria wowapi kin yawa, qa Rev. Amos Ross wotanin waste kin yawa, qa Rev. Wm. J. Cleveland wahokonwicakiye, wowapi wakan oekde wan 1 Peter 3:21 "Baptisma dehantu keša on unnipi" heon wahkonwicakiye.

Sunday, Sep. 23.

Nom sam hanke ape qonhan Ascension Tipi wakan kin okna wica ecena wakan cekiya qa he en Bishop kin iyelica wahokonwicakiye, qa makun Rev. Wm. J. Cleveland, Rev. E. Ashley qa Rev. Joseph W. Cook, hena nakun wowahokonkiye econpi, qa owacekiye kin de icunhan Mr. Samuel Bordeaux, Rosebud Agency etanhan kin he Catechist kagapi, qa Mr. Andrew Whiteface, Standing Rock Agency etanhan qa Mr. John Henry, Rosebud Agency etanhan henaos inš Senior Catechist wicakagapi.

Monday, Sep. 24; 9:30am.

De hinhanha kin aosniyanken wanke heon Tipi wakan kin okna wakan cekiya qa Itancan Hitayetu wotapi tawa econpi qa oyato kin ongegana tona kipipi kin he- nagna timahen eyaye qa ake etanhan akdinapa hecenya econpi, qa ataya opawinge nom sam šakowin wotapi wakan kin icupi ehan wicokaya hiyaya ca enakiyapi.

Monday, Sep. 24; 2:30pm.

Rev. Dean Deloria Convocation omniciye yulidoke, qa wicacaje kin qa hekta wocon owa yanke cin hena yawapi kte šni yušanpi.

Hehan Rev. E. Ashley he wacajeyate, qa Mr. John Okajaya okiye qa he yušanpi, he decetu Hinhinna kinhan hehan mazaska ahiknakapi ecee kin he econpi kta, eye.

Hehan Mr. Paul Eagle Bull tuwa Pine Ridge etanhan kin he wokdake qa Dakota Wacipi qa Ituhanpi henaos cajeyate qa Mr. James Comes Again he okiye- qa hetanhan he wicota taku kin inš eya iwokdakapi, dena eepi, Mr. Abram Noheart, Rev. E. Ashley, Mr. Joshua Seares the Hawk, Mr. Louis Dorian qa Rev. Wm. J. Cleveland qa ohanketa de okna yušanpi. Tunkanšina Dakota awanwicayake cin he ito Committee napcinwang Itancan kin wicakalnige qa hena wowapi wanji qupi kta eyapi qa okna yu- štanpi.

Hehan Itancan yanke kin Com- mittee kin hena tuwepi kta cin

wicakahnige ça dena eepi. Rev. Wm. J. Cleveland, Pine Ridge etanhan, Rev. E. Ashley, Cheyenne etanhan, Mr. Wm. F. Wizi, Crow Creek etanhan, Mr. Felix T. Brunot, Yankton etanhan, Mr. Johnson Redowl, Santee etanhan, Mr. Joseph Brown Wolf, Standing Rock etanhan, Mr. Martin L. Black Elk, Lower Brule etanhan, Rev. Victor Renville, Sisseton etanhan, qa Mr. St. John Goodvoice, Rosebud etanhan henakecapi.

Hehan Rev. Wm. J. Cleveland he wacajeyate ça he Mr. Samuel Bordeaux okiye ça okna yustanpi, qa he decetu Ito Itancan yanke cin he Committee yamni wicakage kte kta Rev. Joseph W. Cook he Committee Itancan kte qa hena Board of Missions yewicasipi Oitancanyan yankapi kin he wopida wowapi wanji wicagupi kta eyapi qa he okna yustanpi.

Hehan Itancan kin dena yamni Committee wicakage - Rev. Joseph W. Cook, Rev. E. Ashley qa Mr. Abram Noheart hena eepi.

Hehan Rev. Joseph W. Cook he decen wicajeyate qa he on inajinpi unkan tuweni iyotankehyan yanke šni he decetu.

South Dakota imahen Niobrara Deanery yewicasipi makobašpe en unqonpi kin ake omaka wanji kin on Convocation yuptaya mni-ciye anyankapi kin he icunhan Winyan omniciye ataya wiyo-hinyanpata onnyanpi kin qa yewicasipi Oitancanyan yankapi kin, hena ataya cante eciyetanhan wopida unkeniciyapi kta uncinpi. Ecin ohni hecetuwanjica ayuštansni, Helpers (Wawokiya) qa Catechist, qa Wicasipi Wakanpi kin, hena ohni cankoka hiyuwicakiya makapi, qa Christ-mas wotkeyapi, qaiš Dakota kin tona wayazankapi qa wicakijapi kin hena on awicakiyapi kta e hiyuyayapi ecee, qa nakun Kde-šni owaya unkitawapi kin hena ee, qa atakiya yawapicašniyan qunyakiya dukanpi kin henaken on wopida unkeniciyapi. Qa Winyan omniciye kin tokatakiya sam ical anianpi kin iyakiye taku keša owasin on tanyan iyo-niptapi kta, qa winyan tona wo-wacinye kin yuha tašni yukanpi qon hena Itancan Tayawašte kin ničupi kta e on wocekiye unke-niciyapi.

Hehan Rev. E. Ashley he ito eyaš wanna enaunkiyapi qa ake linhanna napeinwang aye cinhan mniunkiciyapi kte do, eye qa okna yustanpi qa enakiyapi.

Tuesday, Sep. 25, 9:30a.m.

Rev. Dean Deloria Convocation omniciye kin yuldoke. Qa wo-wapi kage cin wicacaje yawa qa hekta wocon kin yawa.

Hehan Itancan yanke cin he Committee yamni wicakage ça hena mazaska obiknakapi kin ya-wapi qa tokiyatantan wawokiya-

pi kin iyecekcen owicakiciwapi hena dena eepi. Rev. Baptiste Lambert, Rev. Joseph Good-teacher qa Mr. Samuel Bordeaux, hena eepi.

Hehan Rev. Wm. J. Cleveland Committee Itancan qon he Wo-kake ça heye, Committee kin mniunkiciyapi unkan miye tohan tiyata waki kinhan hehan wowa-pi kin Wakage ça iyayewaye kta keya yustanpi do, eye.

Wadehan unkaipi ehan Bishop kin Itancan iyananke.

Hehan Rev. E. Ashley, Com-mittee wan Board of Missions, yewicasipi yankapi kin wopida ewicakiyapi kta keya yustanpi qon he deciyotan kdaotanin, he decetu.

South Dakota imahen Niobra-ra Deanery yewicasipi okaspe unyankapi kin ake omaka wanji kin on mni-ciye unyankapi, unkan icunhan Board of Missions ye-wicasipi Oitancanyan yankapi kin he wopida wan nina tanka e iwi-cunkicazapi e he unkašibdezap. Ecin otokaheya Dakota ekna Wotanin wašte kin duicagapi qa hehantanhan dehanyan wanna o-maka ota adoksohan yuš ical yayapi kin he on wopida unkeni-ci-yapi, qa yewicasipi Oitancan-yan nankapi kin ohnnyan Wa-kantanka itokam unniksuyapi, ecin wicoban wan tanka qa oški-še eša tanyan awanwag nanka-pi kin heon, hecen unkiš ake dehan decen unkeyapi kta. Eya tohanyan unkošhipika token un-košhipi womnaye nitawapi kin he en omniciyapi kte.

(Joseph W. Cook
Committee, Edward Ashley
Abram Noheart.

Hehan Rev. Wm. Saul waca-juyate ça heye, Ito Rev. E. Ash-ley, Rev. John Wahoyapi, Rev. Percy Philips qa Catechist, qa Wawokiya, qa winyan omniciye, qa oyate Holiboju en unpi kin Convocation unyuhapi kin icun-ban taku owasin tanyan unkuwa-pi kin on wopida ewicunkiyapi kte do eye ça he okna yustanpi.

Hehan Bishop kin tokata oma-ka kin en Convocation kte cin he miye iyatayena wakahnige kte do eye ça Pine Ridge, Oglalla oyanke kin hetu kta e yustan.

Hehan wowapi kage cin Con-vo-cation tawocon kin ataya ya-wa, unkan owasin hecetu e ke-yapi.

Hehan Rev. Wm. J. Cleveland he wacajeyate ça wowapi kage cin he Convocation tawocon kin ataya Anpao kin en eknakin kte do eye ça he okna yustanpi.

Hehan wanna enakiyapi kte cin iyehantu unkan Bishop ehake o-ptyena wahokonwicakiye ceyas wicoie tona eye cin hena cakikton je otehi kin heca, qa ohakam Odowan, 147 qon, he wicoban wakan kin de oknayan Cante un-tinzapi qon he unkeyustanpi kte šni e cante ataya on undowanpi qa unkihannipi qonban Bishop

Wayawašte qon yatanin qa wan-na enaunkiyape do, eye.

William Holmes,
Convocation Secretary
Anpao kin.

Rev. Wm. J. Cleveland Com-mittee Itancan kin he tiyata ki kinhan Tunkansina Dakota A-wanwicayake cin he wowapi wan kicage kta keye yustanpi qon he wanna wowapi kin kage ça he den owawa qa wandakapi kte he decetu.

Pine Ridge, S. D.

Oct. 8, 1900.

"To the Hon. Commissioner of Indian Affairs, Washington, D. C.:

"Sir: -

"Nakaha, South Dakota imahen Skain Okodokiciye Wa-kan kin Dakota wicekna yanke cin he Omaka wanji kin on ake Convocation omniciye econpi, unkan he South Dakota imahen owakpamni tona hiyeye cin hena etanhanhan wicaša kalniš en opapi, unkan tona den ihukuya caje unkošiciwapi kin hena Com-mittee untagapi, qa taku nom on wowapi unničupi kta e econun-sipi, unkan Dakota kin tokata-kiya wašicun iyeceny unpi kte ça Tawaičiya unpi kta kta taku kin denaos kušeya kdakinyan wanka e he tona Christian heca-pi qa oyate kin ekna tona tanyan wabdeza okihipi qon hena abde-zapi, qa heon he wowapi kin de unnicagapi.

Tokaheya: -Bdocketu cokaya wi-caškata qon he unkiyepi kin opeya kaken icage, wašicun otan-we unkitanokšan hiyeye cin hena ektakta Bdocketu cakaya eca un-kicopi qa wiciyopeya unškanpi qa on wocon tawapi kin he oi-yokipi kta he cinpi ecee. Tka hecononqonpi kin wicoban sigši-ca aikoyaka e unkašibdezap he-on hecetuyakeš unkiyecinka owa-kpamni unkitawapi kin ecekcen Bdocketu cokaya wicoškate qon he econqonpi ecee.

Unkan United States en oyate Tawaičiya unpi kin Wokiksuye anpetu tawapi kin he hee, heon Tunkansina ekta Dakota tantan-han owicoban yuha yankapi kin hena onšiciya, qa yuonihanyan waunnicidapi, qa he decen un-cinpi, Dakota ekna Ateyapi (Agent) wicunyahapi kin hena wowapi wicayaqu qa Bdocketu cokaya wicoškate kin he iye-nape okna kduhapi kta, qa Minahan-ska oyate kin, anpetu kin de to-ken Tawaičiya woyatanin qon oknayan econwicakiyapi kta, qa ecen Dakota oyate kin anpetu kin he token ahopapi kte cin okalni-gapi qa onspepi kta. Tuwa wan heciyotan Waonspewicakiye kta iyececa e he omaka iyohi sam-tanin aye. Ecin unkišnana yuha unškanpi ecee eša anpetu kin he token okitanin qa token wocon en econpi kta iyececa qon hena okiunkahnigapi šni heon tokata wicoicage wan, teca ye kte cin ekta taku wanjigji ikiunni kta iyececa eša econqonpi ecee, qa ehanna Wi-wanyag wacipi eca en token owicoban yuha škanpi ecee qon eciyatanhan wocon econpi ecee. Awicakehan de wowicake hekta Dakota wicoban tona un-

yuhapi qon hena wanna waniyetu ota heehanna hena elpeye unšipi qa elpeunyanpi qon hena ee ca dehan Bdocketu cokaya eca owasin caje kin ecena yutokcaya yuha škanpi ecee, ehantans ehake Wi-wanyag wacipi eca en Hinyete bakihdakapi qon hecena oka-ptapi.

Inonpa kin: - Itulanpi eyapi kin hee. Itulanpi eyapi kin de Bko-ketu cokaya wicoškate kin hen ecena šni tka ohnnyan tohantu-keša nina econpi, e hecen Tun-kansina ekta Dakota etkiya owi-coban yuha wankapi kin taku kin de anayaptapi kta e tohanyan wowasake duhapi kin yuha škin-niciyapi kta e yuonihanyan un-nicidapi. Ecin Itulanpi kin hena iknuhanna wicayapi, qa tanyan iyukecašniyan woyuha ocaje ota itulanpi ecee, unkan Tunkansina eciyatanhan wicaša taniyohi to-ken okihi kinhan oičiye kte, qa woyuha ota yuhe wacin kta, qa on tokatakiya tanyan ikdoye kta e he cinwicakiya eša icunhan Itulanpi eyapi kin de hen kda-kinyan wanka e he sdonnyanpi. Ecin ege ehanna wicadakota qon han oyate kin aikdagya unpi canke ieyumnyan Itukicihanpi qa oyate tawoyuha kin hena wi-caša iyakidehanya yuhapi eša he-cetu on econpi ecee, kta dehantu kin he okna šni, kta ee wicaša owas wašicun iyeceny unpi kte qa tawoyuha yukeya iyošteičiya-pi kta e cinunkiyapi qa econun-sipi kin heon heunkiyapi.

Awicakehan yuonihanyan dena unkeyapi.

WILLIAM J. CLEVELAND, Pine Ridge.
EDWARD ASHLEY, Cheyenne River.
WM. FRENCH WIZI, Crow Creek.
FELIX T. BRUNOT, Yankton Agency.
JOHNSON REDOWL, Santee Agency.
JOS. BROWN WOLF, Standing Rock.
MARTIN L. BLACK ELK, Lower Brule.
VI TOR RENVILLE, Sisseton Agency.
ST. JOHN GOODVOICE, Rosebud Agency.

William Holmes,
Convocation Secretary.

WOTANIN IKCEKA.

Lake Mohonk Ikcewicaša iwo-glakapi Omniciye kin Oct. 17th, ehanl mni-ci-yapi. Ptayetu oya-sin omniciye econpi. Lecala mni-ci-yapi qon he iakešaglogan omniciye econpi kin ee. Hon. A. K. Smiley hel owote- tipi wan lila tanka gle na ohinni October wi canna United States ataya wi-caša okiŋihan tona Ikcewicaša qwotanla wicakuwapi kta cinpi slołwicaya kin hena oyasin wica-kiço na anpetu tona owote- tipi tawa kin ogna glajuži šni yanke wicakiya; Ikceoyatepi kin tokel qwotanlayan wicakuwapi wašte iwoglakapi kta e heon. Lecala mni-ci-yapi qon ekta wicaša oki-nihan ota opapi na lila tantan-yan woglakapi. Wanji Gen. Whittlesey eciyapi qon he hanaš keya woglake yunkan Tunkanši-layapi tokaheya qon, Geo. Wash-ington hee, he nahan hetanhan Tunkanšilawicayapi qon oyasin Mr. McKinley ihuniyan hena to-kekel Ikceoyate kin wicakuwapi qon na on Milahanska oyate wo-wapi wicagupi qon iyuha hein owecinhan cajeyal au na iwogla-ka. Otokeyatanhan Tunkanšila-yapi tawowapi hececa kin ataya 465 henakeca keya na hena oya-sin kinil el Ikceoyatepi kin waonšilaya cajewicayatapi na Milahanska oyate kin hena tan-yan wicakuwapi kta iwahokonwi-cakiyapi keya.